


Alkitab Jari Kanak-kanak memperkenalkan



Surge, Bale Tuhan saq Solah



Penulis: Edward Hughes

Tegambar siq: Lazarus
Alastair Paterson

Tesadur siq: Sarah S.


Teterjemahan siq: christian-translation.com

Teproduksi siq: Bible for Children
www.M1914.org


©2021 Bible for Children, Inc.

Ijin: semeton jari senamean bedoe hak jari mengkopi certite niki,
asal ndeqne jari tejual.

Leq saat Yesus endot leq dalem dunie Iye berongkat
tipaq murid-muridNe tentang surge. Iye nyebut
surge "Bale Bapaku", dait berongkat bahwe leq to
lueq bale taoq endot. Sopoq bale
saq beleq gati, bale saq
solah. Surge tie lebih
beleq oleq bale
saq leq gumi.




Yesus berangkat, "Aku lalo adeq nyediaq'an taoq jari kamu. Dait apabile Aku uwah lalo jok to dait uwah nyediaq'an taoq jari kamu, Aku jak dateng malik dait jauq kamu jok taoqKu."



3

Yesus lalo joq surge, saq uwah iye bangkit lekan kematean. Jeraq no Iye terangkat, Iye tesaksian siq selapuq murid-muridNe, dait urep nutupin Iye oleq penyerioq'an murid-muridNe.




4

Lekan saat tie, dengan-dengan Kristen inget janji Yesus jaq dateng malik dait jemput iye selapuq. Yesus berangkat, Iye jaq dateng endeq ne ngoneq malik, leq saat saq endeq tesangke-sangke. Laguq ape saq terjadi tipaq dengan Kristen saq uwah mate saq endeqman Iye dateng? Iye selapuq jaq ninggalan tubuhne dait rohne


Endot beriok kance Tuhan

beriok kance Yesus.




5

Wahyu, buku terakher dalem Alkitab, berangkat tipaq ite berembe luar biasene Surge tie. Sopoq hal saq lebih lekan luar biase. Dalem sopoq care saq khusus gati, Surge iya bale Tuhan. Tuhan araq leq embe-embe, laguq tahtaNe iye leq dalem Surge.




6

Malaikat-malaikat dait penghuni surge saq lain jari penyembah Tuhan leq Surge. Meno endah selapuq umat Tuhan saq uwah mate dait lalo joq Surge. Iye selapuq nyanyi lagu-lagu pujian jari memuji Tuhan.




7

Niki sepire kate-kate oleq sopoq nyanyian saq iye nyanyian: SENGAK PELINGGIH SAMPUN TESEMBELIH DAIT OLEQ DARAQ PELINGGIH PELINGGIH SAMPUN BAYAH IYE SELAPUQ JARI EPE ALLAH OLEQ TIEP-TIEP SUKU DAIT BANGSE DAIT KAUM DAIT BANGSE. (Wahyu 5:9)




8

Leq halaman saq paling penutuq lekan Alkitab tejasin tentang Surge "Yerusalem Baru". Taoq niki sanget sanget beleq kance dinding ganggas gati leq bagian luah. Dindingne tepiak oleq permate yaspis, beneng maraq kristal. Dasar tembok kote tie tetutupin siq permate yaspis kance batu-batu permate, saq bersinar-sinar salah gati. Masing-masing lawang gerbangne tepiag oleq sopoq mutiare.




9

Lawang gerbang mutiare saq hebat tie endeq uwah tetutup. Silaq ite tame jok dalem dait serioq'an sekelilingne ... WOW! Surge penggitan lebih salah lekan dalem. Kotene tepiag oleq emas tulen, maraq kace murni. Rurungne tepiag endah oleq emas murni.




10

Kokok aiq kehidupan saq beneng maraq kristal, mengalir sugul lekan takhta Allah. Leq seberang kokok tie tiwoq lolon kehidupan, saq tedait pertame kali leq Taman Eden. Lolon tie sanget istimewa. Lolon niki menghasilkan due olas macem buaq, bilang bulan berbede-bede jenisne. Dait daun lekan lolon kehidupan niki tekadu jari nyembuhan bangse-bangse.




11

surge endeq memerlukan matehari ato bulan jari piaq menah. Kemuliaan Allah mesaq saq nyinari surge jari menah saq luar biase. Sengaq malem endeq jaq araq malik leq to.




12

Termasuk binatang-binatang endah berbede leq Surge. Iye selapuq isah gati dait bersahabat. Serigale kance bembeg-bembeg kiblas kaken pupaq beriok. Termasuk singe-singe kaken jerami maraq sampi banteng. Tuhan berongkat, "Endeq araq saq jaq piaq jahat ato berlaku lenge leq seluruh gunungKu saq qudus."



13

Saat ite serioq'an sekeliling ite, ite memperhatikan bahwe sopoq hal saq telang lekan Surge. Endeq araq onkang onkang siliq saq uwah ite dengah. Endeq araq sopoq dengan saq besiaq ato mikiran diriqne mesaq. Leq to endeq araq lawang-lawang saq tekunci, sengaq leq to, leq Surge endeq araq maling. Endeq araq dengan saq girang lekak, pembunuh-pembunuh, tukang-tukang sihir, ato dengan-dengan jahat saq lainne, endeq araq.



14

Leq dalem Surge kance Tuhan endeq araq malik aiq mate. Kadang-kadang umat Tuhan menangis sengaq penderitaan saq hebat saq te'alamin leq dalem idup niki. Leq Surge, Tuhan saq ngapus selapuq aiq mate.



15

Leq to, endeq araq malik kematean endah. Umat Tuhan jaq selalu berioq kance Tuhan. Leq to endeq araq malik kesedihan, endeq araq malik tangisan, endeq araq malik penderitaan. Endeq araq malik kesakiten, endeq araq perpisahan, endeq araq penguburan.



16


Selapuq dengan leq dalem Surge bahagie, selamanya berioq kance Tuhan. Saq paling solah lekan selapuq niki, Surge iye jari kanak-kanak mame-mame kance kanak-kanak nine-nine (dait dengan dewase endah) saq perceye Yesus Kristus jari Juruselamet dait mentaati Iye sebage Tuhan ne.



17


Leq Surge araq sopoq buku saq tesebut aranne kitab kehidupan Anak Domba. Buku niki penoq siq aran dengan-dengan. Apakah side taoq aran sai saq tetulis leq to? Tetu! Aran selapuq dengan saq toloq kepercaye'an iye leq dalem Yesus.

Apakah aran side endah araq leq to?



18

Ongkat terakhir dalem Alkitab tentang Surge iye undangan saq luar biase. "Ruh dait pengaten nine tie berongkat: 'Telaiq!' Dait sai-sai doang saq dngahan niki, hendaklah iye berongkat: 'Telaiq' Dait sai-sai doang saq bedak, hendaklah iye dateng, dait sai-sai doang saq mele,



hendaklah iye bait aiq kehidupan secare cume-cume."

19

Surge, Bale Tuhan saq Solah

Sopok cerite lekan Firman Tuhan, Alkitab

terdapet dalem

Yohanes 14; 2 Korintus 5;
Wahyu 4, 21, 22

"Lamun tersingkep, firman-firmanMu berebeng pengeretian." Mazmur 119:130

20



Tamat

60

60

21

Cerite Alkitab niki berongkat tipaq ite tentang Allah ite saq hebat saq sampun ciptaq'an ite dait ite mele mengenal Iye.

Allah taoq ite uwah berbuat hal saq lenge, saq Iye sebut dose. Hukum dose iye maut, laguq Allah sanget mengasihini ite. Iye mengutus PutreNe Yesus, adeq mate leq kayuq salib dait tehukum sengaq dose-dose ite. Jeraq tie Yesus idup malik dait lalo jok Surge! Lamun side percaye leq Yesus dait tunas Iye ngampuni dose-dose side, Iye jaq ngelakuan tie! Iye dateng dait endot leq dalem side nane, dait side jaq idup beriok kance Iye sengoneqne.

Lamun side mele bebalik lekan dose-dose side, berongkat maraq niki tipaq Allah: Allah saq solah, aku percaye bahwe Yesus sampun mate jari ganti aku dait nane idup malik. Silaq danteng jok dalem idupku dait ampunan dose-doseku, adeq aku bau bedoe idup saq baru nane, dait sopoq saat bareh lalo berok kance Side sengoneqne. Tolong aku adeq idupku jari epe Side sebage bije Side. Amin.

Silaq bace Alkitab dait silaq berongkat tipaq Allah setiep jelo!
Yohanes 3:16

22